

PAMINKLOS LIETOVUOS NEPRĒ-
KLAUSUOMYBĒS AKTA SĒGNATAROU
ŠIAULIOU JORGIOU

— Vytauts. Dēdiesis, — pasēsveikindams
tēramaa šypsuos meistros ir pridor.

— No, vuo žmuona, kaap ir prider,
Julijuona. Ana mona dēdliuojē pagel-
bininkē...

Dabaa jau vēsks aiško. Tik kor ta
karalēkuoji karūna, kor tas suosts, katramē
galietomem tou meistra karūnavuotē? Nier
ni suosta, ni karūnas. Per tus darbus ni
nepagalvuojē aple tou meistros. Vēsus, katrēi
i anuo koklē, bet svetinga suodyba Telšiu
miesta Baltjēs gatvie ožsok, so duovanuom

TAUTUODAILĒ


išleid, vuo savē ir užmērša. Čē, tuo patiuo
suodybuo, gyvenama noma pusrūsie, ir
dērbtovēs, katruos, kaap raša Kašausks Stasys,
meistros yr tapēs sava nuoro isēkalēnosio
vergo, be atuoštuogu, ēlgiesniu išvyku.

Nedēdēlē truobelē, bet tou, kou čē
galietom ikordintē, draugaa, pažystamē
išnešiuojē. Pryš kury laika Savēckee bova
someslējē dēdliuojie truobuo kaap ir tuoki
moziejieļi ikortē — geriausius Vytauta darbus
sukaupē, bet... Ēlgaa anēi čē neušibūn. Ateit
kuoks bieduos prispērts draugs ir neatlaika

MEDĒ IR GRUOŽĒ VERGS...



SAVICKIS VYTAUTS



VĒRŠELEE KNINGUOMS

ŽEMAITIU ŽEMĒ 1'94

meistra šērdēs: "Neškis. Kou jau
bepadarysi, reek žmuogou padietē..." Ir
lēikt unt sēinas kabuotē tik žmuonaa
Julytee paduovanuotē, poikiausees
ažūrēnees raštaas išmargintē suvenyraa.
Šalēp anū — pērnuoji medē liekštē, katrou
pats Vytauts išdrožē. No, vuo tēi, katrēms
V. Savickis padiejē, tonkee čē ir ontra,
treti karta ožsok — žēna, biednuo vēina
nepalēks, vuo ir brongee neušiprašys.
Tonkee meistros už sava darbus ir vēsaa
nieka nejem: "Te būs atmēnēmuo..."

Vēina karta miegēna paskaičioutē, kēik
per pēnkus metus tū darbū padarē ir kēik
anēi galietom kainoutē, jee vēskou teep,
kaap dabar pas mumis yr priprasta,
piningaas paverstumi. Neturiejē kontrybēs
Vytauts vēsus galus suvestē, bet tū darbū
artēj tūkstontēs išejē ir aple miljuons litu
sosēdiejē. No, vo draugaa, katrēi žēna
Vytauta kūrēniū vērtē, saka, ka ožsienie
gyvenont V. Savickiou ožtektom ir puora
metu teep pasēdarboutē, kaap ons dērb
dabaa, ir jau būtom tēkros miljuonierios.
Vuo Vytauts, tou išgērdēs, tik i ousta pot:
"I tou ožsieni jau tēkraa ka nenuvažiousi,
vuo ir ar tas pinings čē žmuogou yr
svarbiausis..." Ir be tū miljuonu gal
gyventē: truoba yr, valgytē užtenk, ka tik

(Nukelta i 26 psl.)

TAUTUODAILĖ

Tonkee ons elgiausės valondas dėrb be puoėlsė. Vėn per preita vasara padarytas trys skulptūras Šiurii šeimuos kapou (Veiviržienaa), do paminklėnee ontkapee pastatyte ont Telšii kapū.

No, vuo dabaa meistros gyven Žemaitėjės tautuodailės ekspozicėjės sukurėma idiejė. Kor tou ekspozicėjė ons karto so "Alkas" moziejaus dėrektorio Kasparavičio Stanislavo. Abodo karto ir Žemaitiu kultūras draugėjės prezidiumė darboujės. Draugėjuo Vytauts nu pat pėrmū dėinū, 1987 metaas jaunūju Žemaitėjės istuorėku suorganizoutas Varniū konperėncėjės.

Gryžt iš tuokiū sosėpėitėmu Vytauts ir viel sava dėrbtuvies pasėkavuo. Vėsks če patėis Vytauta sukonstrouta, priderinta, padaryta. Če ir tėi mažė mūsa gyvenėma stebuklaa gimst. Žmuonėms anėi — dėdliausis džiaugsmos ir atnėnėms, puiki staigmėna pėlkuo mūsa gyvenėma kasdienybė. Pėlkuo? Bet juk vėskus nu mūsa patiū priklausa... Korontem žmuogou nebūn pėlkū dėinū...

MUKIENĖ DANUTĖ

ŠILINSKA MEČISLUOVA puortėgrapėjės



UNT DŽIOGA PĖLEKALNĖ

(Atkelta iš 25 psl.)

sveikatas ir sutarėms būtom." Sutarėma reek vėsor: nomūs, miestė, Žemaičiūs. Dabaa veiziek vėns so kėto tik ūdėjės ir ūdėjės. Kū žmuogos daugiau dėrb, kū ons geriesnis, tū poulėms dėdiesnis. A jau žmuogou tik numėrtė reek, ka anou vėina karta geraa pamėnavuotom?! Dvasėnės vertybės vėsaa pamėnam pu kuojuom, vėskou tik piningo matoujem. A ta ruoda...

No, vuo iš V. Savėckė darbū vertėngiausės medė skulptūras. Anū šėndėin jau galem rastė ont daugelė Žemaitėjės kapėnaitiū. Vėskus prasidiejė nu Ablingas, kaa i Lietovuos medė druozieju kūrybėnė stuovykla bova pavadinats ir Vytauts. Tumet pėrma karta ir jiemies tuokė dėdėlė darba. Patėka. Pasisekė. Dabaa jau retaa būn tuoki vasara, ka Vytauts kuokiuos skulptūras nenudruožtom. Dėrb be kuokiū eskizu, piešėniū. Anam pėrmausee būsėma kūrėnė vaizds ne puopieriou, vuo galvuo tor gimtė. Teep sokortas V. Savėckė medė skulptūras pouš M. K. Čiurliuonė kieli, S. Dariaus tievėškė. Stuov anuo darbaa ir Miliūtūs, vėinamė iš Vėlniaus universiteta kėimieliu, Nepriklausuomybės akta sėgnatara Šiaulė Jorgė gimtėnie, ont Džioiga kalna, kėtor.


Tuoks jau anuo žemaitėšks karaktuoris, ka darbs vėsumet pėrmuo vėituo. Va jau ir dabaa senee būtom laiks i kuokius puoėlsė nomus, sanatuorėjė pavažioutė, bet... Darbaa lauk, užsakymu, pažadū daug... No, vuo žuodė netesietė... Vytauts neatmėn, ka ons žmuogo būtom apgavės. Teep nu mažėns.

Saka, ka geriausė mena kūrėnee gimst vargė. Vargė pormavuos ir Vytauta karaktuoris. Kaa pradiejė muokytėis Telšii taikuomuosės dailės teknikomė, tievū nomūs

dar polks vaakū auga. Teep ka iš nomū mažaa kou galiejė Vytautou padietė: anam patem ir douna, ir apavo, ir luova tonkee reikiejė pasėrūpintė. Ni vėina, ni kėta nebova per daug. Kartaa teep liuob išsektė, ka ne vėsumet beliub turietė syluos iš Telšii i nomus Klaipiedas rajuonė Judrienu kaimė pareitė. Bet... Išauga. I žmuonės išėjė. Išauga ir Vytauta bruolee, seserys. Ni vėina iš anū gyvenėms nelepėna, bet šonkelees nenuejė. Taas paauglystės metaas dėdlee padiejė tievū autuoritets ir... baimė. Tievū nomūs vėsumet kabuojė linciūgs. Neatmėn Vytauts, ka kumet nuors tievou būtom reikiejė paleistė anou i darba, bet linciūgs kabuojė. Bova ons kaap simbuolis vėsuokees niekaas pramuštuom galvuom če sosėrenkontėms vaikūzams, ka kuožnam ož sava darbus būs atseikieta pagal nuopelnus... Tas dėdlee padiejė.

Savickiu nomūs vėsė vyraa meistravuojė, bet tik iš Vytauta vėina tėkros meistros išėjė. Dabaa anam peillis kuožna dėina kišenie — kaap konėgou maldakningė.

Iš kor tas talėnts? Musiet, če kalts kraujė šauksmos. Tievs geraa druožė, vuo diedė Šaulys Prans vėsuo apylinkie garsiejė kaap neturys sau lygiū miestros. Dabaa tonkee kor paruoduos anuo darbaa yr pristatuomė kaap nežėnuoma autuoriaus. V. Savickis pagal darba braiža anuo kūrėnius iš tūkstantė kėtū gal išskėrtė — dėdlee juvelyrėskaa ir gražee dėrba diedė. Puora anuo kūrėniū — piesta ir koltovė — Vytauts sava nomūs sauga. Ne mažėsnius reikalavėmus Vytauts kel ir pats sau.



TEEP GIMST SKULPTŪRAS